

造  
命  
宗  
鏡  
集

進命宗鏡集卷之十二

神煞類

年家吉神凶神

此皆真的者但中有大小耳

其起例有八一曰本年天干二曰三合五行三曰本年十二建星四曰本年五虎遁五曰本年納音六曰四方例七曰納卦八曰羊刃凡吉凶神從此八者而起則爲真不從此起者假無疑矣于真凶之中又分其大者避之中者制之小者以吉星照之而已

甲丙戊庚壬爲歲德乙丁巳辛癸爲歲德合皆吉陰

爲妻妻不專制故止合而無德也

歲祿馬貴人山方皆吉在本甲內者爲有力甲外逢之少吉

歲干尅坐山所納之甲者爲正陰符大凶帶卦者爲傍陰符亦凶○正陰符年月日犯之主殺人時犯則損六畜吉不能制如寧遠劉令起後堂是子山頭彼作修方論用丁未辛亥丙辰巳丑月日丙辛二千犯正陰符不二年劉令爲事自縊有等鄙師巧法制之以丙辛犯正陰符則用甲巳二千化土制之乙庚用

戊癸丁壬用乙庚之類殺人立應切不可信用○傍陰符有吉星制或年月好不妨如揚公開壬山用壬申壬子壬辰壬寅又用壬子壬子壬子庚子合天地各一氣吉予每試之屢吉無事如修屋粧屋不動土正傍並不忌○以上從歲天干起例

絕胎養三殺大凶絕胎之間爲伏兵胎養之間爲大禍二者又爲夾三殺凶○三殺止忌單修先從吉方起手連及修之無事予屢試有准惟歲殺不可犯凶伏兵犯之立見災咎○大禍與驛馬會不爲害與凶

殺會凶○三殺訣寅午戌年

亥子丑

申子辰年

巳午未

巳酉丑年

寅卯辰

亥卯未年

申酉戌

月日同

臨官爲歲德吉又爲天官符凶○天官符犯者忌單

修若以吉方先起手連及修之無事月家飛宮者亦

不可犯小凶○天官符年訣申子辰年

亥

巳酉丑年

申寅午戌年

巳

亥卯未年

寅

月訣假如申子辰年正

月建寅將寅入中宮順數遇亥在中宮卽天官符其

法月占三位餘倣此○地官符年犯宜于吉方先起

手連及修之或用太陽紫白命貴制之吉忌單修凶

如楚劉斌開寅山申向用甲戌甲戌寅戌午犯官  
符况年月日時俱官符又祿馬并在寅後官非橫禍  
殺人大凶月家飛宮者亦不可犯年家犯者有吉星  
或年月好用之無事訣曰法將逐年太歲數至前五  
位是地官符假如子年辰是丑年巳是餘倣此月訣  
將所用月建入中宮順飛九宮如子年正月建寅將  
寅入中宮順飛遇辰字爲地官符亦占三位

帝旺爲金匱星吉又爲打頭火主火燭凶若疊太歲  
尤凶○打頭火大忌不可犯或年獨火月獨火并月

家丙丁火飛天獨火但有一火會合其火卽發如月  
日得一白水星到方有氣或有崇班捉煞水星到能  
壓制不妨如湖南軍屯王鑒家墜造酉辛山卯乙向  
屋用甲申乙巳癸巳丁巳犯打頭火及丙丁火其火  
該卽發有年月家一白水星在辛乙向上照之三十  
餘年無事惟犯退星後準以上諸火星止犯一位者  
未必凶但恐兩火會合卽發矣痴師巧法不可信如  
湖南東鄉楊術與鄧統修方犯打頭火用綿襖浸濕  
包正柱用車槌打二七一十四下制之其後屋背上

無火自燃不已折之方無事○例訣寅午戌年午亥

卯未年卯申子辰年子巳酉丑年酉法將所用月建

入中宮順飛值子午卯酉卽是假如庚午年遁得戊

寅入中宮順數壬午到離便是火星此殺與月火同

病爲驛馬次吉病死之間爲馬前六害占向凶死爲

天皇炙退占山向方凶宜補墓庫爲黃旛小凶○內

三殺最凶伏兵大禍次之天官打頭火炙退六害又

次之○以上從三合五行起例

建星如子年子土起建丑爲除順數而去丑年丑上

起建寅爲除建爲歲君爲元神爲衆吉衆凶之主帥  
可坐不可向在山在方疊吉星則大吉疊凶星則大  
凶在方爲堆黃方亦疊吉則吉疊凶則凶吉亦要三  
奇照之○除爲四利之太陽小吉○滿爲土瘟爲四  
利之喪門凶又爲天富小吉○平爲三台又爲土曲  
天吉○定爲歲三合吉爲魁罡爲顯星吉又爲地官  
符爲畜官次凶○執爲四利之死符又爲小耗淨欄  
殺凶○破爲歲破凶在方爲大耗方大凶○危爲極  
富星爲谷將星爲四利之龍德吉○成爲三合爲天

喜吉又爲飛廉又爲四利之白虎小凶○收爲四利  
之福德小吉又爲皇帝八座小凶○開爲青龍太陰  
爲生炁華蓋又爲官國星上吉又爲四利之吊客小  
凶○閉爲病符凶○內平成開危最吉定除次吉破  
大凶其禍最久建字可吉可凶

建破平收俗之所忌惟破日最凶必不可犯建日  
吉多可用平日甚吉收日吉多無妨書云其日與  
黃道天月德併可用○以上從十二建星起例

五虎遁如甲巳年起丙寅數至戊辰巳巳方爲戊巳

煞大因庚午辛未方爲天金神次凶乙庚年寅卯子  
丑俱戌巳煞辰巳天金神丙辛年戌亥戌巳煞寅卯  
子丑天金神丁壬年申酉戌巳煞戌亥天金神戌癸  
年午未戌巳煞申酉天金神○天金神一名遊天暗  
曜犯之患眼最準如寧遠楊亨與小塘楊榮俱開亥  
壬山巳丙向同用丁亥辛亥辛未乙未亨新立宅第  
無事榮舊宅後壞三人眼以此觀之凡神煞新宅皆  
不忌而老宅則皆忌也天地支者爲地金神用丙丁  
紫火星制之無事○以上從五虎遁起例

本年納音尅坐山墓上納音者爲年尅山家凶屬金  
者爲地金神次凶○凡年尅山無父祖忌月尅山  
無母妻忌日尅山無新婦忌時尅山未有子孫  
忌如埋葬則以亡人爲主亡人無父祖忌年尅  
無妻女忌月尅無新婦忌日尅獨忌時尅蓋亡  
人必有子孫也○以上從納音起例

寅卯辰年子爲大將軍巳午未年卯爲大將軍申酉  
戌年午爲大將軍亥子丑年酉爲大將軍次凶○大  
將軍有吉星制年月好吉年月差悞亦主殺人凶又

忌與太陰太陽會更凶○以上從四方起例

太歲天干納在何卦則能冲破對卦名曰破敗五鬼  
凶忌修方歌云甲壬二歲居巽方乙癸須知艮戶藏  
丁震丙坤戊離位巳坎辛乾庚兌防吉多不忌○以  
上從納卦起例

本年祿前一位爲羊刃對冲爲飛刃名李廣箭凶二  
刃俱全尤凶惟入干山有之忌坐山不忌方與向乾  
坤艮巽山無祿亦無刃安得有箭古仙葬課犯陰符  
年尅者甚多而八干山絕無犯李廣箭者想極凶也

其犯箭者皆四維山原無箭故也。○甲庚山忌卯酉  
乙辛山忌辰戌丙壬山忌午子丁癸山忌未丑。○以  
上從羊刃起例

命書子年紅鸞在卯天喜在酉丑年紅鸞寅天喜申  
寅年在丑未丑年在子午逆行十二支餘倣此推凡  
人家生一福人必此二星到山向不則與山向三合  
六合也極吉無凶

月家吉神

外月空不吉與年家之馬前六害同故削之

天德方卽天道行方大吉天德合方次吉訣曰正丁

二坤中三壬四辛同五乾六居甲七癸八艮官九丙

十居乙十一巽鄉窮十二居庚上此是天德方○天

德合訣正壬二巳三丁四丙五寅六巳七戌八亥九

辛十庚十一申十二乙

月德方大吉即三合月官旺之間是也月德合方次

吉此四德到方大能制此方之煞官曆所載者是也

訣曰月德正五九月丙二六十月甲三七十一月壬

四八十二月庚月德合正五九月辛二六十月巳三

七十一月丁四八十二月乙○連歲德及歲德合共

名六德俱走天干不走地支不能制地支方殺也  
月金匱方吉卽三合月分之旺方也修之癸丁修年  
金匱不如修月金匱比月德後一步吉與月德同  
月天赦方吉春戊寅夏甲午秋戊申冬甲子此天赦  
也然原無定在故以月建入中宮遁之遁得天赦落  
在何方此方宜修造可制官符等殺天月德一月一  
飛不宜再飛天赦必飛乃現

### 月家凶神

大月建

大凶  
太惡

占山占向占方占中宮皆凶動土尤凶

修造犯之先殺宅長後殺子孫吉不能制訣曰甲庚  
丁癸起艮鄉乙辛戊年起中央丙壬巳年坤宮發逆  
走九宮定建方占中宮修墳扞墳必殺多人蓋此乃  
月家土殺與年家之戊巳殺同

月陰符山大凶月天干尅坐山所納之甲爲正陰符  
帶卦者爲傍陰符亦凶

月尅山家凶月之納音尅山墓音也主尅宅母以年  
日納音制之

小兒殺大凶占方然占山占向亦忌犯之殺小兒忌

修不忌葬訣曰子寅辰午申戌爲陽年起中宮丑卯  
巳未酉亥爲陰年起離俱順飛九宮假如陽年正月  
起中宮二月在乾三月在兌四月在艮餘倣此亦占  
三位

月家丙丁火凶不可修犯

月家飛宮打頭火小凶

飛宮天地官符小凶此外月家朱雀困龍巡山火飛  
天火月遊火不足忌

月破山方凶如子月冲破午方是也勿造葬胎神凶

不可犯

附諸家年月日吉神凶神

參用

太歲○曾文迪曰太歲坐山留福德却將年月更加  
臨還須四柱無冲尅共轉天河福愈深又曰太歲建  
立最爲尊奇星不到亦爲凶四座星辰同一局經中  
玄妙少人逢○楊仙曰太歲可坐不可向又曰吉莫  
吉于修太歲凶莫凶于犯太歲又曰太歲疊吉星則  
貢福疊凶星則降禍○此二段俱言坐太歲之法也  
造葬者坐太歲極吉向太歲極凶然坐之有數端焉

一查太歲不疊戊巳陰符年就打頭火乃可坐之二  
要八節三奇照之三要月日時或與太歲一炁或與  
太歲三合乃吉若支冲之干尅之則犯歲君而大凶  
四要太陽尊帝紫白諸吉同到則尤妙福大而久非  
別吉之可比也

年家太歲星煞只看太歲吊替干支與主官刑冲爲  
忌却在本甲內犯之大凶出甲無禍如甲子年作震  
以甲子入中宮行至坎位得巳巳再以巳巳入中宮  
行見丙子到卯爲太歲到處子與卯刑必有呻吟官

非之厄月家各尋所用之月吊行論之

太歲祿馬貴人爲星照之主宰能壓一切凶星貴人  
爲上祿馬次之要與造主本命祿馬同行乃能致福  
用命貴祿馬而歲貴祿馬不至者命主無所管攝用  
歲貴祿馬而命貴祿馬不相值者歲君不依歸歲命  
交會方爲全美尅擇務令有氣得時如木向春生金  
逢秋旺六合吊宮合貴爲上合祿次之四課日合祿  
如甲寅命祿在寅如丙子年十二月作艮以月建丑  
入中宮遁得寅字到乾乾中有亥合艮中之寅也

此

尊帝二星○楊公曰九十四家年月經叅對要知真  
天河轉運爲第一官職從此出五龍五庫照墳塋富  
貴日邊聞○曾文迪曰天河轉運少人明煞沒神藏  
任橫行司天久禁人難遇好記先賢切莫輕○此言  
尊帝之美而龍庫亦吉天河轉運卽尊帝清印四星  
遞轉如磨運然尊星卽北斗帝星卽南斗上清卽東  
斗玉印卽西斗以南北爲正東西爲傍故尊帝更吉  
紫白星○丘平甫曰諸家年月多差訛惟有紫白却

可憑古人微妙因難究運取金圖次第行。○曾文迪  
曰祿到山頭進橫財外處壓將來馬到山頭進官職  
要合三元白貴人與白同旺相貴子入朝堂六白屬  
金秋月旺紫火春夏強一八水土旺三冬立見福來  
榮。○此言紫白之真且宜與貴人祿馬同到山向方  
又紫白喜旺相則愈有力而衰旺全看月令皆不二  
之論也桑道茂及行一禪師云紫白所到之方不避  
太歲將軍官符諸凶惟不能制大月建而已不避宅  
長一切凶年並不能爲害惟不能制天罡四旺煞而

已則紫白之吉羣仙共宗尚之通書謂飛潛吊伏多有不和故紫白難用何妄也

凡用月家要吊替宮不犯冲伏爲美如一白到坎八白到艮爲星伏之地九紫到坎八白到坤爲星冲之地子到坎寅到艮爲支伏之地犯之者大凶冲寅申巳亥損宅長冲子午卯酉損妻房冲辰戌丑未損小口奴僕冲年刃冲陰宮損女假如丁丑年十二月作巳山亥向以丁丑入中宮行見丑月艮上庚辰再以庚辰入中宮行見辛巳到乾爲巳冲亥凶

天恩星○歌曰天恩之日人人會惟有臨方至妙機  
但以帛宮求正到一任凶星盡伏依

正月甲子乙丑二月丙寅丁卯三月戊辰巳卯四月

庚辰辛巳五月壬午癸未六月巳酉七月庚戌八月

辛亥九月壬子十月癸丑十一月甲子○天恩與天赦

同宮永主家無灾刑以月建入中宮帛尋各季日辰

所在爲天恩到處更得還宮爲上吉能召福致祥不

忌一切小小星辰如甲子年八月作乾以月建酉入

中宮尋見戌在乾乾宮有戌謂之還宮也正以支論

月母倉星方

春亥子 夏寅卯 秋辰戌丑未 冬申酉 四季月中氣前後各九日巳午

母倉元是星辰母凶煞逢之便見降泊得之辰居旺地自然福慶倍尋常以月建入中宮求各季支辰落處爲母倉所到更用其辰不忘一切小小星辰煞能報犯白虎太歲只宜其辰泊處旺地爲有力如日月用卯日以月建巳入中宮尋見卯字在乾卯屬木乾中有亥水爲未受生之地故吉也

天道方○寅戌子月行南○卯巳丑月行西○辰午申月行北○未酉亥月行東○此與吊宮不同凡遇

天道方行百事大吉又吊官例列左

天道

正二三四五六七八九十十一十二  
巳申亥酉子寅丑卯午辰未戌

吊官 艮坎震離坤震坎坤巽坎震中

人道方○惟此不須吊有灾病宜移床就人道方吉

太月方

正二三四五六七八九十十一十二  
癸艮甲乙巽丙丁坤庚辛乾壬

小月方丁坤庚辛乾壬癸艮甲乙巽丙

官星

取用  
發貴

歌曰正氣官星要到方貴人會起曲山攢

或加三四命相合轉祿加官指日間如甲年用辛爲  
官三月作艮以月建戊辰入中宮行見辛未在艮爲

官星甲以未爲貴人是貴人會起同到曲山卽土曲  
帝星是也更得三四合如丙午生人是也丙合辛午  
合未主士庶加官進祿貴人提拔此爲外篇第一吉  
例○歲貴歲祿歲馬以月建入中宮巳亥年以甲爲  
官八月癸酉月甲戌官星在乾馬到兌陽貴人到艮  
陰貴人到坎餘倣此○如戊戌生命貴人祿馬以太  
歲入中巳亥年順數至甲寅到坤乙卯到震卽是官  
星也丁巳到中卽是真祿也已未到兌陰貴人也乙  
丑到巽陽貴人也亡命祿馬亦與生命數同餘倣此

搜玄錄

入卷之十一

催官星

春乙

夏丁

秋辛

冬癸

是

土曲帝星

子年

甲卯

丑年

乙辰

寅年

丙巳

卯年

丙午

辰年

丁未

巳年

戊申

午年

庚酉

未年

辛戌

申年

乾亥

酉年

壬子

戌年

癸丑

亥年

艮寅

月土曲帝星

正月

癸巳

二月

丙午

三月

丁未

四月

坤申

五月

庚酉

六月

辛戌

七月

乾亥

八月

壬子

九月

癸丑

十月

艮寅

十一月

甲卯

十二月

乙辰

年月同在于位是

官國星

子年

戊戌

丑年

亥亥

寅年

壬子

卯年

丑辰

辰年

寅

巳年

卯

午年

辰

未年

巳

申年

午

酉年

未

戌年

申

亥年

酉

年月同在開位是

月家吉方

正二三四五六七八九十十一

皇恩

申未巳丑子亥申未巳丑子亥

天德

丁申壬辛亥甲癸寅丙乙巳庚

月德

丙甲壬庚丙甲壬庚丙甲壬庚

月財

午乙巳未酉亥午乙巳未酉亥

修催官法

上

乾甲山頭辛是官欲修坤乙問庚干艮丙兩山修癸  
地巽辛丙上最相關離壬寅戌皆尋巳兌丁巳丑問  
壬垣更有震庚并亥未丁上修之最可歡坎癸申辰  
尋戌地文明光顯桂高攀

白衣秀士欲求名科甲休門最顯榮黃榜高魁丙奇  
上乙奇居亞次居丁

其法加本主命貴祿馬併本年貴人祿馬文昌科  
甲科名魁星太陽尊帝天恩等星修之主科名及  
第無不應驗如修學堂書屋必從此方擇吉修之

大利

文昌○以太歲起祿祿前四位是不行四庫地凡到  
宮帛照俱有大力文場亦能化解

天乙貴人○流年如遇此到處沐恩光

天祿○假如甲生人見丙是祿到寅甲年遁見丙寅

不必見寅但見丙子戌申  
午辰到宮便爲天祿乙人見

巳是乙祿到卯乙年遁見巳卯不必見卯但見巳

丑巳未  
亥酉到宮爲天祿餘倣此

天廚祿○一名食神祿如甲生人逢巳是甲食丙祿

丙戌祿在巳乙生逢午是乙食丁祿丁巳祿居午  
餘倣此

財星

取用  
發財

歌曰欲報人家進橫財青龍但與月財推

吊宮月德同金匱命祿相加是福媒青龍太陰方逐  
月吊同月財更加火星旺地作之福祿自進橫財自  
至

青龍方

子年

戌

丑年

亥

寅年

子

卯年

丑

辰年

寅

巳年

卯

午年

辰

未年

巳

申年

午

酉年

未

戌年

申

亥年

酉

月財方 正七午 二八卯 三九巳 四十未

五十一酉 六十二亥

每山逐月之星以吊宮尋之值青龍太陰相會為月財處

月德方 申子辰兮壬 亥卯未甲論

寅午戌丙旺 巳酉丑庚尋

以逐月之月德吊宮會作主命值一甲內真祿者為吉若本祿不到雖全吉相會亦不驗也

金匱例

申子辰年月子

亥卯未年月卯

寅午戌年月午

巳酉丑年月酉

### 火星火地月

如正月子爲金匱星修坎癸爲有氣又如六月修寅以月建入中又吊寅字到震爲木旺之地也是有氣凡用金匱忌吊九紫併甲乙木到其方主犯官訟女人死疾痛血光

金烏星

取用生子

歌曰人丁衰弱報金烏貪巨文廉次

週金匱行年加四吉立生員子紹箕裘

金烏星例

子年加

乙辰起貪

丑年加

甲卯

寅年加

艮寅

卯年加

癸丑

辰年加

壬子

巳年加

乾亥

午年加

辛戌

未年加

庚酉

申年加

坤申

酉年加

丁未

戌年加

丙午

亥年加

癸巳

每以貪狼星加遇太陽金烏吉

金烏位次

貪狼

巨門

太陽

祿存

文曲

廉貞

武曲

玉兔

破軍

金烏

左輔

右弼

法以各年山向加起貪狼輪尋值年之命金烏到

何山阿次以命主六壬天罡訣將行年星臨太歲遁至本山方得四吉神以神后爲正勝光次之功曹傳送又次之與金烏相會卽報男玉兔相會卽報女凡報之法以地支爲主如甲卯方不報甲卯也以地支應速故也餘倣此例宜涓陽月陽日更會造主貴人尤速金匱例見財星例下

麒麟星要同二德

麒麟星

甲乙年

丙丁年

戊巳年

庚辛年

壬癸年

辛戌

乙辰

癸丑

丁未

亥壬

麒麟星以吊宮飛遁爲的與天月二德相合者助福

更速能壓凶星。○如庚子年五月作坎月建壬午入  
中順輪見丁亥到坎丁爲麒麟又爲天德是麟星與  
天德同宮一切凶煞悉能壓倒但止二德到而麟星  
不到爲孤德倘麟星到而二德不到爲獨麟俱不能  
召福若二德同麒麟所在之方更會金烏與勝光神  
后功曹傳送加行年可催嗣續

又例。以本命壬訣行年加太歲遁至修造山方得  
四吉星與金烏麒麟星相會報之更得歲貴祿馬併  
命貴祿馬差方貴祿馬真太陽帝星歲德天月德男

生无女天醫青龍金匱天喜併臨擇雷霆太陽開休  
生三奇同到立生貴子定局布左

天德麒麟	同局還宮附	正月	二	坤	三	壬	四	辛	五	乾	六	甲	七	癸	八	艮	九	丙	十	乙	十一	戌	十二	庚											
甲年辛戌	丁乾巳兌壬離辛兌戊巽甲艮癸乾巳坤丙兌乙中戊兌庚艮	乙年辛戌	丁中巳中壬兌辛中戊坤甲乾癸中巳離丙中乙巽戊中庚乾	丙年乙辰	丁震巳巽壬中辛巽戊離甲中癸震巳兌丙巽乙坤戊庚庚中	丁年乙辰	丁坎巳坤壬巽辛坤戊兌甲震癸坎巳中丙坤乙離戊坤庚震	壬年亥壬	丁艮巳離壬坤辛離戊中甲坎癸艮巳巽丙離乙兌戊離庚坎	戊年癸丑	月德麒麟	同局還宮附	正月	二	甲	三	壬	四	庚	五	丙	六	甲	七	壬	八	庚	九	丙	十	甲	十一	壬	十二	庚

巳年辛戌	丙申	甲震	壬離	庚乾	丙坤	甲艮	壬中	庚震	丙兌	甲中	壬坤	庚艮
巳年癸丑	丙申	甲震	壬離	庚乾	丙坤	甲艮	壬中	庚震	丙兌	甲中	壬坤	庚艮
乙年辛戌	丙申	甲坎	壬兌	庚中	丙離	甲乾	壬巽	庚坎	丙中	甲震	壬離	庚乾
庚年丁未	丙申	甲坎	壬兌	庚中	丙離	甲乾	壬巽	庚坎	丙中	甲震	壬離	庚乾
丙年乙辰	丙坤	甲艮	壬中	庚震	丙兌	甲中	壬坤	庚艮	丙巽	甲坎	壬兌	庚中
辛年丁未	丙坤	甲艮	壬中	庚震	丙兌	甲中	壬坤	庚艮	丙巽	甲坎	壬兌	庚中
丁年乙辰	丙離	甲乾	壬巽	庚坎	丙中	甲震	壬離	庚乾	丙坤	甲艮	壬中	庚震
壬年亥壬	丙離	甲乾	壬巽	庚坎	丙中	甲震	壬離	庚乾	丙坤	甲艮	壬中	庚震
戊年癸丑	丙兌	甲中	壬坤	庚艮	丙巽	甲坎	壬兌	庚中	丙離	甲乾	壬巽	庚坎
癸年亥壬	丙兌	甲中	壬坤	庚艮	丙巽	甲坎	壬兌	庚中	丙離	甲乾	壬巽	庚坎

### 修求嗣法

人家無子修金匱將星獨火原同法生門又喜合丁

奇天喜青龍麟子至

人家無子如何好黃道青龍金匱好月財生炁日月

臨六壬四吉開生最夫妻祿馬合扶成命運方隅生  
到合更遇功曹傳送星紫白逢之玄更與此經珍重  
降麟祥勿與凡夫輕詔告

天喜紅鸞○二宮俱從卯上起子時逆數當太歲便  
是紅鸞對宮是天喜

歲貴天德

取用  
散訟

歌曰連年何被訟相羈本命官符細

審之陽位貴人陰位德更同天赦合天機本命官符  
各以月建尋之審納音之衰旺然後制之制法陽年  
以太歲貴人壓之陰年以天德臨之更合天赦同天

德還宮尅日散訟仍因訟獲財永息訟爭

本命官符例

申子辰

亥

亥卯未

寅

寅午戌

巳

巳酉丑

申

如乙丑生人甲子年作兌方丑以申爲官符甲子  
是壬申也用五月月建庚午入中宮行見壬申在  
兌況當金旺之地官符與金同屬乘旺作之主損  
財官訟惟月德到方可散

奇門

取用  
彈盜

歌曰人家常被盜來侵歲上庚方審納音

假似戌年辛酉木却加丁卯是冲神○逐年盜方納

音例其法每年寅上起如甲子年五虎遁丙寅數到庚酉方上得癸酉金四課日擇巳卯冲尅之更得乙奇驚門制之永弭盜害雷霆太陽到盜每驚遁

甲年乙年丙年丁年戊年巳年庚年辛年壬年癸年

癸酉	金	乙酉	水	丁酉	火	巳酉	土	辛酉	木	癸酉	金	乙酉	水	丁酉	火	巳酉	土	辛酉	木
----	---	----	---	----	---	----	---	----	---	----	---	----	---	----	---	----	---	----	---

月宿

取用  
詳火

歌曰四煞沒時終是美歸垣入局始爲佳

坐下更加危畢至火殃斯殄福無涯○法以七元起

甲子遁得危畢心張四宿到坐當神藏煞沒時太陽

合格則火殃永絕歸垣者如太陽在未用丁時之類

是也其時諸星歸垣入局爲福多矣凡用藏神須擇甲戌庚日時爲最美

解神

取用祛瘟

歌曰鬼同天地曰三瘟犯着之時便損人

解喜母倉合年德任教凶煞化微塵有作五音樂而至者爲鬼瘟有動土修方而至者爲土瘟有太歲神煞來併方道而至者爲天瘟今各不同然修之惟解神喜神母倉合年德到方制之其病卽息

天解○子年起戌丑年酉逆行十二位是

地解○子丑未上寅卯申辰巳流年酉上輪午未戌

中申酉亥戌年午上定其真

月解○正月起申二月酉三月戌順行十二位是

日解○甲巳巳位乙庚猴丙辛寅上丁壬牛戊癸亥  
中官事散病者能痊不用憂解神到處喜聲嘖化  
煞爲恩又解迤官符逢之官事散疾病遇之藥療  
臻但向吊官求到處此理玄微幽秘深凡值凶星  
併惡殺殃消禍散樂清平

喜神○春

戊

夏

丑

秋

辰

冬

未

方月甲巳

寅卯

乙庚

辰戌

丙辛

申酉

丁壬

午未

戊癸

亥巳

日奇取用祛鬼歌曰申爲鬼路鬼侵欺報犯須當用乙奇

五虎符頭尋尅制超神得局吉多宜元用日辰或犯鬼賊或犯虛耗致有五鬼運之害報犯之法用日乙奇冲尅之制之大吉

鬼賊日 正月二日 三月三日 四月五日

五六月三日 七八月五日 九月十日

十月三日 十一月九日 十二月七日

天虛日即天鬼賊正七申 二八戌 三九子 四十寅

五十一辰 六十二午

地耗日

即地  
忌辰

正辰

二酉

三寅

四未

五子

六巳

七戌

八卯

九申

十丑

十一午

十二亥

九紫

取避  
白蟻

歌曰蟻蟲爲害避無難反覆推尋九紫間

不問新遷并埋葬居人自吉死人安每以七十二候

上起甲子尋所用之年月日時在處吊入中宮行見

九紫到山爲避蟻蟲之辰如辛中局卽于五局內起

甲子尋所用之月住處吊入中宮求九紫到坐爲吉

又從月泊處起甲子行求所用之日住處吊入中宮

行見九紫又從日泊處起甲子行求所用之時住處  
吊入中宮行見九紫在處年月日時四課俱到永絕  
蟻蟲之害須以生尅消詳不尅主山運爲妙

通天竅○年月日時三合成局值青龍大吉進田迎  
財進寶庫珠吉餘六星凶雖好亦不可執用如楚劉  
斌起造寅山申向屋用甲戌甲戌戊寅戊午豈不俱  
合竅馬禍亦不免

走馬六壬○合吉星吉凶星凶然亦不可專憑如道  
州何家造丁未向門用巳酉丁丑巳巳丁丑俱合竅

馬後死人無數官事退田破財凶又按顧乃德云曾公與南豐縣朱侍郎下祖墳艮山坤向用癸巳丁巳癸酉癸丑初葬下雷鳴天吼代代入朝以此准之皆不合竅馬而亦大富貴可見不足憑信也

例田年月○通書云年命修造要得例田年六壬生運爲吉予聞之楚李昴癸丑生用癸卯甲子庚申庚辰開癸山丁向兼丑未三分宅主丑生人不得例田又值死運造後迄今數十餘年發福無患子孫亦生旺此例田亦未可專憑也

# 元經六十年月太歲一星定局圖

即歲破

元 五年 五午年 五寅年 五卯年 辰年 巳年 丑年 五申年 五酉年 五戌年 五亥年  
六十歲星 歲星 歲星 歲星 歲星 歲星 歲星 歲星 歲星 歲星 歲星

年 月 赤金 六白金 五黃土 四綠木 三碧木 二黑土 一白水 九紫火 八白土 七赤金 六白金 五黃土  
定局 離年 坤宮未 坤宮申 兌宮酉 乾宮戌 乾宮亥 坎宮子 艮宮丑 震宮卯 巽宮辰 巽宮巳

正 倉離 黃坎 震申 坤合 震巽 震巽 震巽 倉乾 黃兌 震申 倉乾 黃兌 震申 倉乾 黃兌 震申  
月 倉離 倉乾 主艮 木坎 木震 主申 倉乾 黃兌 震申 倉乾 黃兌 震申 倉乾 黃兌 震申

二 倉艮 離未 離未 離未 離未 離未 離未 離未 離未 離未 離未 離未 離未 離未 離未 離未  
月 倉艮 倉兌 主離 木坤 木震 主艮 倉兌 主離 木坤 木震 主艮 倉兌 主離 木坤 木震

三 倉兌 離未 離未 離未 離未 離未 離未 離未 離未 離未 離未 離未 離未 離未 離未 離未  
月 倉兌 倉兌 主兌 木坤 木震 主兌 倉兌 主兌 木坤 木震 主兌 倉兌 主兌 木坤 木震

四 倉兌 離未 離未 離未 離未 離未 離未 離未 離未 離未 離未 離未 離未 離未 離未 離未  
月 倉兌 倉兌 主兌 木坤 木震 主兌 倉兌 主兌 木坤 木震 主兌 倉兌 主兌 木坤 木震

四 震乾 震兌 兌申 艮 震離 震兌 兌坤 五 震兌 震離 兌艮 震離 兌艮 震離 兌艮 兌坤

月 兌兌 兌離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤

五 離中 百果乾 震兌 離艮 艮離 震兌 離坤 艮震 震兌 離艮 艮離 震兌 離坤

月 兌兌 兌離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤

六 震兌 震離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤

月 兌兌 兌離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤

七 震離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤 兌艮 兌坤

月 兌兌 兌離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤

八 震離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤 兌艮 兌坤

月 兌兌 兌離 兌坤 兌艮 兌震 兌艮 兌坤 兌艮 兌坤 兌艮 兌坤 兌艮 兌坤



宮五黃丁卯癸宮四綠戊辰震宮三碧巳巳坤宮二  
黑庚午坎宮一白辛未離宮九紫壬申艮宮八白癸  
酉兌宮七赤又如乙丑年乾從兌宮起甲子逆輪六  
十年。假如甲子年作離山用事兌宮七赤卽是太  
歲一星以九宮掌將七赤入中宮順行吊尋歲支子  
在坎宮得三碧卽將三碧入中宮順行替尋太歲一  
星七赤到離宮午卽歲破同到離山作之凶餘倣此  
月起例 子午卯酉年艮宮八白起正月 寅申巳亥年坤宮二黑起正月 辰戌丑未年中宮五黃起正月俱逆行 五黃同  
假如下元甲子年七赤爲太歲一星六月修造離山

方正月起八白逆行二月七赤三月六白四月五黃  
五月四綠六月三碧卽以三碧入中宮順尋七赤到  
離卽月太歲一星凶○又秘訣凡月建值歲支冲字  
入中宮次月起坎逆行離艮兌輪十二月不值歲支  
冲字將月建入中宮順行週十二月遇冲字加臨之  
宮凶會合太歲一星同宮更凶餘倣此○假如甲子  
年五月修中宮以月建入中卽年支相冲午字加中  
宮屬中宮管事六月起坎宮爲午加坎七月午加離  
八月午加艮九月午加兌十月午加乾十一月午加

中宮十二月午加巽俱凶又如甲子年十一月值月  
星七赤入中宮卽是太歲一星到中宮又會合午字  
同到中宮修造更凶又如庚午年五月修坤宮以月  
建入中宮尋歲支相冲子字到坤卽以值月星四綠  
入中宮順尋一白到坤卽太歲一星又會合子字同  
到坤宮更凶

元經斷云水火太歲復何如殺妻換長事尤多不出  
三年一載外定主重喪及發疴金水淫亂中房損水  
土瘟瘟定主憂水木失財并自縊水水折傷蛇犬愁

木火刑傷事可衰火金難產及傷胎火土疾傷并天  
 死更兼火火損嬰孩木木風聲傷殺死木金囚禁不  
 離年木土折傷兼發背此神爲害信如刀金金大折  
 多傷暴金土疔疔及癰癰土土聾盲兼啞疾五行應  
 驗不堪言憑君更把吊宮變凶吉昭然在目前

附劉誠意年太歲一星定局圖

今下元甲子起  
 七赤

甲子

癸酉

壬午

辛卯

七赤入中

太歲乙  
 星在震

乙丑

甲戌

癸未

壬辰

六白入中

太歲乙  
 星在巽

丙寅

乙亥

甲申

癸巳

五黃入中

太歲乙  
 星在中

壬寅

辛亥

庚申

庚申

五黃入中

星在中

丁卯	丙子	乙酉	甲午	四綠入中	太歲乙
癸卯	壬子	辛酉	乙未	三碧入中	星在乾
戊辰	丁丑	丙戌	乙未	二黑入中	太歲乙
甲辰	癸丑	壬戌	丙申	一白入中	星在兌
己巳	戊寅	丁亥	乙申	九紫入中	太歲乙
乙巳	甲寅	癸亥	一白入中	星在艮	太歲乙
庚午	己卯	戊子	一白入中	太歲乙	星在離
丙午	乙卯	丁酉	九紫入中	太歲乙	星在坎
辛未	庚辰	己丑	八白入中	太歲乙	星在坤
丁未	丙辰	戊戌	八白入中	太歲乙	星在坤
壬申	辛巳	庚寅	八白入中	太歲乙	星在坤
戊申	丁巳	己亥	八白入中	太歲乙	星在坤

此照劉誠意公起例吊替者按元經太歲乙星逐年在歲破位却不同

都天總斷

七箇都天古秘機世間寧有幾人知馬前殺刃如同  
位犯者災殃定不移曆數太陽來坐照修方立向任  
君爲

坐家都天起例

以用事年起五虎遁入中宮順輪九  
宮遇用事年太歲到山方爲坐家都

天凶如吉星多照  
本山方凶亦無妨

### 坐家都天六十年定局圖

年 巳丑 戊寅 戊子 甲戌 甲申 甲午 甲辰 甲寅 甲子

一 戊辰 巳亥 巳酉 戊戌 乙巳 乙卯 乙丑 乙亥 戊

庚戌 庚申 庚午 巳未 丙寅 丙子 丙戌

辛未 辛巳 乙酉 乙未 壬寅 壬子 壬戌 壬申 壬午

壬辰 丙申 丙午 丙辰 丁亥 丁酉 庚辰 庚寅 庚子

丁未 丁巳 丁卯 丁丑 戊申 辛卯 辛丑 辛亥 辛酉

癸丑 癸亥 癸酉 癸未 癸巳 癸卯

坎 壬 坤 未 震 甲 巽 辰 中宮 乾 戌 兌 辛 艮 丑 離 丙

正遊都天起例 甲丙戌庚壬五陽年逆行乙丁巳辛

通某寅入中宮順逆輪遇戊子到某山方為正都天

旁都天起例 以用事年起五虎通某寅入中宮順倫

夾殺都天起例 以用事年起五虎通係某寅即將某

夾某山大凶如甲子年五虎遁係丙寅將丙寅加寅  
官順丁卯戌辰巳巳即遇戊巳夾與造與方山凶做此  
戊巳都天起例以用事年起五虎遁起寅官順行十  
病損宅母如甲巳年五虎遁丙寅起寅丁卯戌辰巳  
巳則辰巳山方為戊巳殺犯戌禍緊犯巳禍緩餘做此

### 正遊旁夾殺戊巳都天定局圖

年于甲 <sub>年</sub> 乙 <sub>年</sub> 丙 <sub>年</sub> 丁 <sub>年</sub> 戊 <sub>年</sub> 巳 <sub>年</sub> 庚 <sub>年</sub> 辛 <sub>年</sub> 壬 <sub>年</sub> 癸 <sub>年</sub>		
正都天	坎 <sub>壬</sub> 乾 <sub>戌</sub> 坎 <sub>壬</sub> 乾 <sub>戌</sub> 乾 <sub>戌</sub> 乾 <sub>戌</sub> 乾 <sub>戌</sub> 乾 <sub>戌</sub> 乾 <sub>戌</sub> 乾 <sub>戌</sub> 乾 <sub>戌</sub>	忌修造動土 主損宅長
遊都天	乾 <sub>壬</sub> 離 <sub>丙</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub>	忌修作主損 陰人欠丁
旁都天	震 <sub>甲</sub> 離 <sub>丙</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub>	忌修造主損 次丁
夾都天	乾 <sub>壬</sub> 離 <sub>丙</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub> 坎 <sub>壬</sub> 震 <sub>甲</sub>	忌修造

戊巳都天

巳	辰
寅	子丑
亥	戌
酉	申
未	午
巳	辰
寅	寅
亥	戌
酉	申
未	午
最忌修造主損人丁大凶	

月殺都天起例

甲丙戌庚壬年爲陽正月起乾二月初三月中宮四月坤五月離六月中宮七月與八月震九月中宮十月艮十一月坎十二月中宮俱逆行 乙丁巳辛癸陰年正月起乾二月初三月中宮四月艮五月震六月中宮七月與八月離九月中宮十月坤十一月兌十二月中宮俱順行惟三六九十二月俱入中宮餘月照順逆數倣此

# 月殺都天定局圖

陽年正月起乾逆輪

坤二

陽二月逆 陰陽起正  
兌七 乾六

離九

中五 陰二月順  
坎一

巽四

震三 艮八

陰年正月起乾順數

巽四

震三

坤二

坎一

中五都天太歲定例圖

乾六

兌七

艮八

離九

五戌亥年 五酉年 五丑寅年 五午年

五辰巳年 五卯年 五未申年 五子年起一太歲

都天太歲秘法俱以用事年支起一太歲九宮順輪

二太陽三喪門四太陰五官符六死符七歲破八龍

德九白虎十福德十一吊客十二病符惟太陽太陰

龍德福德能壓諸殺化凶爲吉餘星合月殺都天同  
到山方主凶如甲子年正月修造乾方卽月殺都天  
在乾歲支子坎宮起太歲太陽坤喪門震太陰巽官  
符中宮死符乾與月殺都天同宮修乾凶又如乙丑  
年二月修坎順輪月殺都天在坎歲支丑艮宮起太  
歲太陽離喪門坎月殺都天同到坎山凶餘倣此  
歲刑方○造葬俱忌不宜動作犯之主損人口凶  
浮天空亡○山向並忌有云止忌向而不忘山非是  
如楚劉術與成道家起神堂并東鄉楊術與何銘等

起正屋各癸山丁向兼子午皆用庚子甲申庚子庚辰犯之不二三年俱殺人被賊破財官司大凶詩云甲巳辛年作丙壬十二年中禍患侵乙庚戌歲遷丁癸疾病官災十四春丙癸乙辛十八載丁壬庚甲犯雙旬

羅天大退○忌開山修方惟立向不忌雖歲官交承決不可犯如楚楊亨與劉文應并鄧文輝開酉辛山卯乙向俱用甲午丁丑甲寅丙寅係立春前二日二家退敗殆盡○例訣寅午戌年忌作申子辰年忌作

山 申子辰年忌作

亥卯未年

忌作羅山

巳酉丑年

忌作坎山

歌曰馬前一退猶自

可大退羅天見死亡

遊年五鬼○時師以為小可大謬犯之殺人如道州

蔣家造子癸山午丁向屋係舊宅兼修方論彼用癸

丑乙丑戊子癸丑兼暗金日伏斷時註云殺九人雖

立春前六日尚殺三人可不忌乎例訣子年

戊丑年

癸寅卯年

申

辰巳年

乙

午未年

丙

申酉年

丁

戌亥年

庚

陰陽的殺○凡人犯陰陽的殺在修造方上者切不可

可先於其處起工先從吉方起手然後修及之無事  
若在中宮須出火避宅方可修作也年的月的亦如  
之楚寧遠劉滾癸亥生用四丁未於巳上起門樓犯  
陰的殺是年六月二十三日 起八月初五劉滾亡可  
不忌哉○起例陽的殺以太歲五虎遁見某亥以亥  
入中宮尋宅長宅母本命到處是○陰的殺以本命  
五虎遁見某亥以亥入中宮尋太歲到處是一甲內  
大凶二三甲次凶四五六甲不忌

巡山羅喉○止忌立向開山修方不忌○例訣申年

辛子年乙辰年寅年午年丁戌年巳年丙酉

年乾丑年壬亥年庚卯年甲未年坤

年獨火例子年丑年寅年卯年辰年巳年午年未年申年酉年戌年亥

艮 震 坎 巽 兌 離 坤 乾

月獨火例 正月二月三月四月五月六月

七月八月九月十月十一月十二月  
亥 戌 酉 申 未 午

年獨火除夏火旺時勿用餘值秋冬或壬癸水日

納音水月家一白或吊壬癸到方更水命作主或

月建納音水制之作無妨○月獨火密竈大凶忌

葬埋猪牛欄馬廐羊棧築墻主瘡毒惟穿池塘反  
爲福若僧道官員作修其方却吉

年流財方

戌亥酉丑年

未坤方

子巳午未年

戊乾方

寅卯申辰年

子丑方

月流財方

正三十月

甲庚位

二四八月

丁癸位

五七十一月

乙辛位

六九十二月

壬丙位

以上流財方只忌小修若起造大修作則不忌

崩騰○有吉星無事地崩騰犯之殺人偏犯三人死

正犯八人亡正犯甲庚丙壬也○崩騰訣子年

坤丑

年乾寅年辛卯年乙辰年丙巳年壬午年癸未年甲

申年癸酉年丁戌年己亥年丙○地崩騰訣正二三

月申酉方四庚穴五亥子方六壬穴七寅卯方八甲穴九十

一十二月巳午方  
丙穴

八座○造墳安葬最忌犯之殺宅長師人宜于華蓋

上避之如年八座立年華蓋上避犯月八座立月華

蓋上避也又年八座如子年於酉上順行年華蓋子

年起戌順行月家八座正月起亥順行十二支是日

華蓋寅卯辰丑上是巳午未申上申酉戌子上亥子

丑酉上是爲術者不可不知○例訣正 亥二子三丑

四 寅五 卯六 辰七 巳八 午九 未十 申十一 酉十二 戌

造葬忌歲月建吊到本山

法以月建尋太歲到山損長子以太歲尋月建到山  
損中小財畜如會太歲三煞的煞尤凶只論到山不  
論到向

天月建甲癸庚丁年起艮逆 乙辛年起中宮逆 丙壬年起坤逆

中宮 四月 正十月 七月

乾 三十二月 九月 六月

兌	三十一月	八月	五月
艮	正十月	七月	四月
離	九月	六月	三十二月
坎	八月	五月	二十二月
坤	七月	四月	正十月
震	六月	三十二月	九月
巽	五月	三十一月	八月

右大月建會的殺及歲禁殺大凶

又小月建殺陰年正月起離陽年正月起中俱

行三殺與太歲月建命主的殺俱會大凶

年吊宮歲禁月歲禁附

[illegible]



正  
 月申  
 二  
 月亥  
 三  
 月寅  
 四  
 月巳  
 五  
 月酉  
 六  
 月子  
 七  
 月卯  
 八  
 月午  
 九  
 月戌  
 十  
 月丑  
 十一  
 月辰  
 十二  
 月未

甲  
 巳年  
 雷  
 坤  
 乙亥  
 火  
 巽  
 艮  
 辰  
 木  
 巽  
 艮  
 午  
 火  
 離  
 震  
 申  
 金  
 庚戌  
 土  
 兌  
 乾  
 亥  
 水  
 坎  
 壬子  
 水  
 離  
 震  
 寅  
 木  
 巽  
 艮  
 辰  
 土  
 坤  
 癸丑

乙  
 庚年  
 雷  
 坤  
 丁亥  
 火  
 巽  
 艮  
 辰  
 木  
 巽  
 艮  
 午  
 火  
 離  
 震  
 申  
 金  
 庚戌  
 土  
 兌  
 乾  
 亥  
 水  
 坎  
 壬子  
 水  
 離  
 震  
 寅  
 木  
 巽  
 艮  
 辰  
 土  
 坤  
 癸丑

丙  
 辛年  
 雷  
 坤  
 己亥  
 火  
 巽  
 艮  
 辰  
 木  
 巽  
 艮  
 午  
 火  
 離  
 震  
 申  
 金  
 庚戌  
 土  
 兌  
 乾  
 亥  
 水  
 坎  
 壬子  
 水  
 離  
 震  
 寅  
 木  
 巽  
 艮  
 辰  
 土  
 坤  
 癸丑

丁  
 壬年  
 雷  
 坤  
 庚子  
 火  
 巽  
 艮  
 辰  
 木  
 巽  
 艮  
 午  
 火  
 離  
 震  
 申  
 金  
 庚戌  
 土  
 兌  
 乾  
 亥  
 水  
 坎  
 壬子  
 水  
 離  
 震  
 寅  
 木  
 巽  
 艮  
 辰  
 土  
 坤  
 癸丑

戊  
 癸年  
 雷  
 坤  
 辛丑  
 火  
 巽  
 艮  
 辰  
 木  
 巽  
 艮  
 午  
 火  
 離  
 震  
 申  
 金  
 庚戌  
 土  
 兌  
 乾  
 亥  
 水  
 坎  
 壬子  
 水  
 離  
 震  
 寅  
 木  
 巽  
 艮  
 辰  
 土  
 坤  
 癸丑

劍鋒臨旺地

元經曰劍鋒之煞不宜逢犯着其家主大凶常在旺

前為劍戟一名重賄起於東  
 假如正月在甲木旺四  
 月在丙火旺七月在庚

搜玄齋

入卷之十二

七

金旺十月在壬水旺故曰旺前爲凶也

其神正例常在月前一辰正

甲二乙三

中戊

四丙五丁六坤

中巳

七庚八辛九乾

戊中十壬十一癸十二艮

中巳

常遊于八干四維之上

惟乾坤艮巽四位故遊戊巳二千也

以下起例俱倣此推

更將帛替分輕重便見行方及去蹤只如戊子甲寅

求七月庚申值此爰此名年煞歲中惡犯着教君見

禍厄月殺逐一究方隅須看支干上下俱傍煞只憂

六畜損正煞必當人口殂先將太歲入中宮十二月

分八位中

此言行十二月分法以甲子年將甲子入中宮通行九宮如甲子年三月作坤將甲

子入中宮順輪壬申臨巽卽三月月分也再將壬申入中宮尋值月戌字到坤卽劍鋒煞也餘倣此四維之上皆同到支干相遇不宜逢肉破千斤方可

止先妨宅母及家翁

附行喪 金童撞命殺會吊宮喪門的不可犯

喪門煞○子年寅丑年卯寅年辰卯年巳餘倣此

右以月建入中宮求各年所占字到方

金撞煞○丑寅巳酉月丙方申子辰月庚方

卯午戌月甲方亥未月壬方

右以月建入中宮吊看所占字到何宮若與吊宮

喪門會合大凶行父喪六十日內損陰人行母喪六十日內損陽人的不可犯

四季轉殺

四季轉殺例○二月卯日

乙卯天轉  
辛卯地轉

癸卯正轉

五月午日

丙午天轉  
戊午地轉

丙午正轉

八月酉日

辛酉天轉  
癸酉地轉

丁酉正轉

十一月子日

壬子天轉  
丙子地轉

庚子正轉

按春兔夏馬秋雞冬鼠乃四旺之神與榮宮同  
不凶忌與月建同日主殺人

金神七殺亦分天金神地金神納音金神忌與月火  
血同損六畜

五般會殺最凶更逢日時冲戰尤烈

離合殺

戊癸年正月作震月建吊辛酉到震忌卯日  
丁壬年臘月作兌月建吊乙卯到兌忌酉日

陰陽殺

丁壬年七月作離月建吊壬子到離忌午日  
丙辛年十二月作坎月建吊丙午到坎忌子日

羅網殺

丁壬年三月作乾月建吊乙巳到乾忌亥日  
丁壬年二月作巽月建吊辛亥到巽忌巳日

魁罡殺

甲巳年二月作乾月建吊戊辰到乾忌戌日  
丙辛年正月作巽月建吊戊戌到巽忌辰日

刑害殺

戊癸年四月作艮月建吊庚申到艮忌寅日  
丁壬年七月作坤月建吊甲寅到坤忌申日

遊天朱雀

初一行嫁

主損新婦不久再娶

初九造作

不旺人丁犯回祿

十七埋葬

損人冷退

二十五移居

損家長長

呻吟殺方

忌修造犯之家長不安人口疾病

五月寅申巳亥日

酉方

仲月子午卯酉日

巳方

季月辰戌丑未日

丑方

天賊○最忌不可用楚寧選鄭家開丑未向用巳卯

丁丑乙亥癸亥是天賊日術者匠人皆云宜尅一木

人用墨斗線轉之於正柱壓之又縛狗斬雞壓之十

五年被賊連劫二次殺人犯火又東鄉楊家用巳亥

丁丑乙亥癸未開寅山申向亦如此禳之其後大禍  
此法決不可聽信

天瘟○通書云忌入宅修造欄房然楚術與新封鄭  
家修戌乾方及羅坡張家修癸丑方俱用癸巳乙丑  
癸卯壬子分明犯天瘟月二家至今並無事且生人  
發福此不必忌

### 制殺不二論

書曰若要發修三殺若要財修流財要大興修火星  
打頭要小興修金神與千斤千斤血要大貴修太歲

要大富修太歲與陰符要小富修官符救冷退修爻  
退○又曰制殺修方反獲吉福○皆言修非言葬言  
修方非言修山也蓋殺必須尅而坐山宜補不宜尅  
尅之則山傷補之則殺旺故單云制殺修方者以方  
可尅故也惟太歲或在山或在方皆可修蓋修太歲  
者例可合而不可尅不尅則不傷山也陰符單占山  
不占方又可尅而修者陰符與山分而爲二尅陰符  
不尅坐山也其餘諸殺皆與山方合而爲一故尅制  
此方卽所以尅制此殺惟方不怕尅也故皆指修方

言此皆修年家坐宮殺非修月家飛官殺○太歲必  
疊吉星不疊凶星而後修之君明臣良其吉可知故  
曰大富大貴○三殺陰符諸殺中之極猛者其力甚  
大制之得法安得不發然惟此二殺最凶制不得法  
必主殺人修主孱弱亦難駕御不可輕試此外則易  
制矣○打頭火星乃三合旺方也尅而修之旺氣發  
越大發人丁故曰大興○火尅金神則爲寶鈔以丙  
丁奇制于斤血刃則旺血財故曰小興○修地官符  
亦發財皆曰小富○修流財補爻退則不流不退矣

制法

詳下

制殺之總法如何古云干犯于制支犯支制三合犯三合制納音犯納音制化炁犯化炁制坐官犯坐官制飛官犯飛官制此確論也○如天金神干殺也以丙丁干制之陰符亦然地金神納音也以納音火制之年尅亦然○三殺打頭火天官符三合局尅之爻退則三合補之○化炁制乃陰符梟法也不如七殺尅之之穩○坐官制謂年家之不飛者以年家吉星照之○飛官制如月家飛官打頭火則以月家飛來

一白或壬癸水德制之。○地官符支殺也于死月修之爲支犯支制。○殺方之納音爲本年納音所尅則終年不能作禍小修亦可。○制殺要訣全看月令必本殺衰月制神旺月乃可惟太歲炙退另論。○諸殺聚會則勿犯。○殺與太歲同宮則勿犯犯之則犯歲君矣。○金神殺屬金戊巳殺屬土丙丁殺屬火此定例也陰符甲乙者屬木戊巳者屬土丙丁者屬火庚辛者屬金壬癸者屬水皆本殺自具之五行也其餘三殺打頭火官符等項在寅卯辰則屬木巳午未則

屬火申酉戌則屬金亥子丑則屬水隨山方以分五行也尅制者倣此辨衰旺者亦倣此

修太歲法

太歲君也可吉可凶坐之極吉向之極凶冲破坐山故也四柱八字合之極吉冲之尅之極凶以臣犯君故也疊紫白三奇等吉則極吉臣直則君聖且得君行道膏澤及民也疊戊巳年尅陰符打頭火等凶星則又極凶臣奸則君昏且衆凶有藉倚勢作孽也故太歲或在山或在方審其疊吉而不疊凶則以四柱

合之或一炁或三合局造葬移徙其福大而且久非  
諸吉星可比也必要八節三奇到太歲上乃可再得  
太陽紫白尊帝諸吉或本命貴祿臨之尤妙曾文迪  
曰太歲坐山留福德三奇不作亦爲凶更祈四柱無  
冲尅共轉天河福愈深又曰吉莫吉于修太歲凶莫  
凶于犯太歲太歲所在宜造葬宜移徙宜補葺不可  
折毀不可挖窖開池皆犯也昔唐叔封晉其子曰晉  
必昌重耳返國魯太史曰重耳必霸皆太歲在晉也  
吳向太歲破越晉史墨曰不出四十年越其沼吳乎

符堅向太歲滅燕太史泓曰燕國中與其在吳王乎  
其後皆驗此太歲可坐不可向可修不可犯之明徵  
也故歲破最凶

### 修陰符法

陰符單占坐山制法以正五行之七殺尅之必陰符  
殺月七殺旺相得令之月乃可制也○甲乙陰符屬  
木法宜以庚尅甲辛尅乙然必七月八月金旺木衰  
乃可制○戊己陰符屬土法宜以甲尅戊乙尅己然  
必正月二月或亥月乃可○庚辛陰符屬金法宜以

尅庚丁尅辛然必五月乃可○丙丁陰符屬火宜以壬尅丙癸尅丁然必十月十一月或申月乃可○壬癸陰符屬水宜以戊尅壬巳尅癸然必辰戌丑未月或夏月火生土乃可○一點陰符不妨以二點三點七殺制之此係凶殺寧尅制太過毋不及也有用梟神食神制者非○陰符生山者可制爲坐山所尅者可制若與坐山同類則不可制制則尅倒坐山大不吉也如震金山以戊癸爲陰符癸生震戌受尅于震可制而修也若兌山以乙庚爲陰符乙可制也若

于夏月以丙尅庚則兌山傷矣餘倣此○此指修山若葬地犯之殺五人決不可犯陰符與三殺不犯爲美且尅陰符則尅犯歲君命書曰日犯歲君灾殃必重非歟陰符歌曰艮巽陰符甲巳土乾兌須防乙庚金坤坎所忌丙辛水震怕戊癸離丁壬此正陰符也帶卦者爲傍陰符如乾帶甲兌帶丁巳丑俱忌乙庚二字艮帶丙巽帶辛坤帶乙坎帶癸申辰震帶庚亥未離帶壬寅戌山

修三殺法

三殺乃極惡之殺要制伏得倒占山則決不可造葬  
惟占方可制而修也制法有三要一要三合局以勝  
之二要三合得令之月三殺休囚之月三要本命貴  
祿馬及八節三奇或日月尊帝以照臨之小小修理  
則或月或日之納音尅三殺方之納音亦可亦要八  
節之三奇到○三殺在南方巳午未則屬火以申子  
辰水局尅之子月或申月辰月乃可○殺在東方寅  
卯辰則屬木以巳酉丑金局尅之必酉月或巳丑月  
乃可○殺在西方申酉戌則屬金以寅午戌火局尅

之必午月或寅戌月乃可○殺在北方屬水無三合土局不能制忌用辰戌丑未相冲

昔曾文迪爲陳元道修午未三殺方三殺在南方屬火曾仙取甲辰年戌辰月壬子日庚子時豎柱蓋元道壬申年生共成申子辰水局以尅火殺一也甲戌庚天干三奇又辰子兩支不雜二也三月太陽在戌與午方三合而甲戌庚貴人在未三也甲午午未方爲庚午辛未路傍土而戌辰月壬子日皆木音以尅土四也命馬壬寅歲祿歲馬丙寅

俱到離五也八節之乙奇在坎照離丙奇正在未  
坤六也八字體用兼全諸吉併臨修後大發元道  
平賊有功巨富顯貴不如曾仙之制法不可輕修  
也本命天金神在午未然不用丙丁干尅者金入  
南方受火尅也○三殺方若屬旺月妄爾砍樹開  
池必主一方不寧

### 制官符

官符乃年家地官符也本非大凶過竅馬吉或太陽  
到或紫白或活天赦到則反吉疑者于其死月以天

救日解之以修主命貴臨之反吉

曾文迪曰紛紛神殺不用求但逢尅應便堪修吉  
星若照官符位爲官職位顯皇州此言官符之可  
修也今通書云官符獨凶不亦謬乎天官符以或  
年或月之納音尅之本日納音亦可再得紫白照  
之或太陽三奇亦可若以三合局尅之則尤伏矣  
但不喜其還宮月分也○地官符遇竅馬卽吉遇  
紫白亦吉不必尅也楊仙與建康黃氏解訟曰以  
命貴解官符乃得訟散癸亥年地官符在卯方修

主乙亥生命貴人到卯方曰貴人造樓臺果見赦  
文來官符散枷鎖反主進橫財果出獄而鋤地獲  
金致富此明驗也用午月卯木死于午也用甲午  
轉殺日者天赦也而卯木又死也所謂支犯支制  
也○又天官符乃三合中殺或倣上制三殺例以  
三合局制之可也然比三殺則輕矣年月納音尅  
之亦可修也已未年天官符在寅一友十一月葬  
寅山申向並無是非現訟反散太陽到山且七日  
之內凶死凶葬也至犯月家飛官官符者予見屢

屢矣並無是非通書說得必不可犯謬甚洎宮受制之說切不可信

制金神

忌修方動土則損目蓋木主肝金殺能制肝木也葬不必忌制法以火尅之而已庚辛干者爲天金神以丙丁干制之納音金者爲地金神以納音火制之則吉○又八節之丙丁奇或年家之九紫有氣皆能制之修作無害非甚緊殺也止忌修方通書謂忌葬俱能殺人皆謬說也○巳月金生申酉月金旺必不可

犯犯之殺人○金神在申酉方謂生旺得地則必于  
火旺之月以寅午戌三合制之反吉若在午未方則  
不必制火地尅之矣○四大金星亦損目比金神則  
輕以丙丁奇或九紫火制之則吉已犯病目者于金  
星方取丙丁奇天月德天赦同到擇吉日打符或報  
修則目愈天金神之中名四大金星

### 修火星

年家打頭火卽三合旺方卽金匱星訣云人家衰弱  
修金匱獨火將星原同位是也蓋大旺則亢亢則屬

火修動旺方則癸丁旺家理所可信不過子午卯酉耳除子午卯酉年疊歲君勿修或疊戌巳亦勿修其餘年分倣上制三殺法以三合局制之可也通書忌用寅午戌局此說不通若巳酉丑年打頭火在酉不用寅午戌火局何以制金大旺之氣乎一一倣上三殺例可也但此與天官符俱可吉可凶不如三殺之極凶耳三合制矣再得年月一白水星妙或月家壬癸水及一白水亦可再得本命貴祿及太陽諸吉尤妙四柱忌用丙丁忌日家背尾翼室四火宿至八

節之丙丁奇又吉無忌○年金匱不空則修月金匱  
尤穩月金匱又不必尅但諸吉同到則修寅午戌月  
在午七酉丑月在酉申子辰月在子亥卯未月在卯  
擇吉日修之主發人丁亦要無別緊殺乃可

### 修爻退

凡殺皆強梁有餘故宜尅爻退乃休囚不足故宜補  
蓋二十四山方所借以自立者太歲也爻退乃太歲  
死地山方無主冷落休囚故宜擇旺相月或月日時  
一氣或月日時三合補之則不退而反旺興也如不

得君父之庇必卿有司同心照顧猶可自立若再加  
尅制則愈休因愈退敗矣○申子辰年屬水水死于  
巽卯爲災退亥地取丙申年辛卯月乙卯日巳卯時  
修卯方則三卯一氣局也或亥卯未三合亦可○寅  
午戌年災退在西用巳酉丑局或三酉尤佳○亥卯  
未年災退在午用寅午戌局或三午尤佳○巳酉丑  
年災退在子用申子辰局或三子尤佳○再得命祿  
歲祿同到或天干堆祿尤妙假如修卯方災退用三  
乙字乙祿到卯也然以一炁局或三合局爲主而祿

不必甚拘通書有用六合者有單取堆祿者已非至馬有料則不退及用四夫牽馬之說尤謬○如上補法雖修方之法然修山亦可

### 制流財方

年家流財占方取或年或月之危字或開字同到流財上再取太陽三奇紫白及本命祿貴同到修之吉蓋開字爲生氣爲華蓋青龍危字爲極富星谷將也或年則年上起建數至危開月則月上起建數至危開皆可修也書云要月財到宜參用之吉

修千斤血刃方

血刃與刀砧共幾十箇皆僞也惟千斤自古有之今亦有二樣以千起者是修血刃只取八節之丙丁奇再得吉星吉日修之則吉○以太歲千起乃寅申巳亥子也兩年一換次第有章支起者謬○甲巳年申方○乙庚年寅方○丙辛年子方○丁壬年亥方○戊癸年巳方

制年尅山家

的以洪範起運以正五行起運者不通吳景鸞曰洪

範乃山音五行可證也○修造日久犯之必殺宅長  
不可犯也惟葬可以日月之納音制之○如年尅之  
納音屬金則以月音之屬火者制之工少則日音亦  
可

### 李廣箭

祿前一位爲羊刃對冲爲飛刃卽李廣箭惟甲庚丙  
壬乙辛丁癸八山有祿方有刃此殺極凶古葬課有  
犯陰符尅山者而此箭必不敢犯其凶可知不能制  
也若乾坤艮巽山原無祿安有刃旣無刃安有箭○

一箭不可犯況多乎況二刃交冲乎古課八干山自無犯一箭者而乾坤艮巽山則有犯二三箭者蓋乾坤艮巽原無箭而通書妄指爲箭故也

大將軍

年家大將軍占方勿修然有輕重如巳午未年將軍在卯甲巳年則卯乃丁卯也再以月建入中宮順數九宮惟丙子月丁卯仍在卯上謂之將軍還位修犯大凶餘月則丁卯飛出別方此卯上得年家月家之紫白到可修或太陽三奇到亦可

制月家小兒殺

大月建不可犯不能禳諸吉亦不能壓也此小兒殺忌修不忌葬雖是修方凶神若或占山占向占中宮皆勿可犯

制日白虎入中宮

斬牲滴血于中宮則吉或以左三指頂水一碗右指作劒訣書獅子二字于水碗上滴水中宮亦吉再以紅紙寫一獅子二字貼于中宮亦可  
披麻殺日以麻布置鷄頭上則無忌

紅嘴朱雀日令道士書符貼之則無忌得日時一白水星到其方則吉

六壬赤口日不制決惹口舌百試百驗制法用小紙一片硃書九口字作三排每排三口以墨塗黑口內搗作小丸先夜密置所出入之總路上以土掩之足踏三下則吉若豎柱上樑如前法制矣再以銅錢朱塗字面番放棟柱礫下尤妙二法必密勿令人見先夜靜行之可也

通書云命龍入土最忌倒堂破宅修造犯之損造主

如修造中宮尤忌動土如在方上亦忌之然有太陽  
三奇祿馬及紫白到能壓制之無事詩云金命辰戌  
丑未年木命寅申巳亥生水土火命何年是子午卯  
酉命龍星如木命只忌寅申巳亥年交生後犯命龍  
如過今年十二月或次年正月立春後雖歲末過亦  
未忌楚鄭術與劉君主修造辛未生用癸年乙丑月  
豎造犯命龍係次年正月內未交春後至今多年亦  
無事又楊開戊午生用乙卯巳丑壬寅丙午修造壬  
亥方分明犯命龍今亦無事

制殺總要

坐三殺向太歲戊巳殺及月家大月建小兒殺此不能制者也不可犯也三殺在方在向及陰符在山此可制而不易制不可輕也其餘神殺紛紛中殺制之亦殺不必制有吉星同到自能壓也除太歲在坐在方宜合不宜冲灸退在方宜補不宜尅此外則四法而已干犯干制如陰符天金神皆以干制干也支犯支制如地官符之類擇地官死月死日修之也三合犯三合制則三殺打頭火天官符以三合局尅也納

音犯納音制如年尅地金神以納音制納音也今書上制三殺等法皆尚納音不知納音力輕止可小修因病發藥隨殺用制可也○三合制必取此三合月分其餘取本殺死月可也

楊仙曰山頭有殺怎奈何貴人祿馬喜相過三奇諸德能降殺吉制凶神發福多○此言山頭之中殺小殺不用尅制法而止以諸吉照之者也蓋尅則尅倒坐山矣山值休囚月亦不吉

又曰吉星有氣小成大惡曜休囚不降災則上文尅

制修方法也勿溷爲一例看○尅制者尅制得法爲主吉星爲用大殺避之中殺制之再加太陽諸吉若小殺則不必制遇吉星自伏

太陽三奇能降諸殺紫白竅馬能制地官符大將軍以下諸殺祿制流財空亡貴人降諸殺以本命飛去者爲上太歲飛去者次之

制殺法宜四柱尅之使伏不宜冲之冲則殺起爲禍除太歲在坐吉在何太凶外其餘諸殺如三殺官符大將軍伏兵大禍等項在坐則重而難制在何在方

則輕而可降

方上有殺可制者先從吉方起手連及之又從吉方  
住手亦佳

戊巳殺在山巳凶在向尤重行動故也不犯亦一年  
多災况犯乎有以甲乙干尅之者亦不能制惟戊巳  
方納音爲年納音所尅則不作禍如甲子年金音尅  
了戊辰巳巳方之木音癸亥年水音尅了戊午巳未  
年之火音皆不能爲禍

凶方怕疊太歲怕太歲對冲怕太歲三合其方則皆

大凶次之怕月建相疊相冲相合則亦爲禍不然不甚爲禍也蓋歲君與月建之力極大吉星必藉其力方能作福凶星必藉其力方能作禍吉方宜動不修動決不作福凶方宜靜不修動亦不作禍惟戊巳殺不修亦禍修犯則更甚耳惟爲年納音所尅方免禍此所屢試者亦不可輕修

凶方皆忌響動以震起之尤忌動土蓋人本乎土殺亦罹于土也

歲君月建冲破吉方則不吉無力故也若冲破凶方

則又凶蓋殺如虎如火合之固起冲之亦起惟浮天  
空亡占向可以八字冲之

戊巳凶而猛其禍速歲破緩而大其禍久二者不可  
犯不能制

太歲可坐不可向三殺可向不可坐名言也

凡制神殺先令其星失時無氣更泊落死絕休廢之  
鄉得祿馬貴人恰當令旺修之化殺爲權切勿尅制  
壓伏恐換太歲或合神煞或冲壓伏之辰禍亦大作  
故也

神煞正訛

通書之差訛非直今日也楊公曰此書多是俗人傳  
統例一百二十家丘平甫曰諸家年月多錯訛惟有  
白星真可憑吳公曰自一行禪師偽撰銅函經已後  
詩歌競出濫觴極矣唐宋已然況至今日愈增愈多  
二十四山星辰以萬計焉六十甲子民曆監曆吉凶  
紛紛然總之好利之徒創立一吉星以誑人又創一  
凶星以嚇人謂通書未載惟我獨知使人趨已擇日  
耳豈知抄之刻之彙而收之遂成典故也今觀火星

與官符血刃獨多蓋愚民怡官非身一燭而貧者止以六畜爲生計故也

通書誤人不淺余略舉數端言之如歲破第一凶也其禍久而不替而通書則曰太陽到修作無妨○歲君切忌尅犯也而通書則曰鞭之刑之何也○戊巳至惡至猛之殺也必不可制而通書則曰納音可尅○三合中惟三殺至凶犯之殺人不一甚至一方人不得安生通書則云劫殺止招劫盜歲殺止殺小口泊官可制何其兒戲誤人也曾文迪有制三殺造課

取三合局制之又月日之納音尅之太陽三奇照之  
命祿歲祿及四柱之貴人只飛到其上古仙何其慎  
重而通書言何容易也○陰符大殺也犯之殺五人  
造葬皆忌而通書說得甚輕何也○官符不甚凶而  
通書說得極凶余見犯飛官者並無口舌是非而通  
書云飛官尤不可犯楊仙爲人散訟特修地官方而  
取命祿命貴飛到其上今通書云祿馬同到其上其  
禍尤速句句務與古仙相反何也○金神不甚凶以  
火尅修之反發財不尅則損目止忌修方惟秋月犯

之殺人而通書云造葬並忌主殺長子孫何也○紫  
白極吉星也而通書云難用反主殺人乃立一初白  
星何垂也○本命殺無凶于天罡四旺者觀桑道茂  
一行禪師俱云雖紫白之吉亦不能制今通書不載  
而載猪頭壬身三丘四墓等殺何也○次之則年的  
月的爲真向自不可坐今通書略之而重陰的陽的  
何也○大月建至凶無制造葬並忌若占中宮扞墳  
修墳必主殺人不一而通書扞葬不載止重飛官官  
符何也

至于六十甲子日則改換尤多。○如天喜卽三合正戌二亥三子至吉也而改爲死別豈有合而別喜而死者乎。○午月甲午日天赦吉日也楊公造課屢屢用之而今人改爲天瘟日何也。○曾文辿葬壬午生人用四丁未課曰支干合命愈爲奇官取家豪代代貴今改爲晦氣日何也。○傍四廢第一凶日而今云吉多可用何也。○寅月甲日卯月乙日之類皆係得祿吉日今呼爲重喪日何也。

上天下地往古來今一理而已通書合理者從之背

理者削之與古仙合旨者存之反古妄捏者去之如是而已

官曆載七政四餘及年白月白卽堯欽曆象辨齊七政之法也蓋日月耀終古之明五星炳五行之精四餘分五星之秀氣候之遲速人時之早晚皆本乎此至紫白又祖洛書爲修造之第一吉星千工萬工須求年白百工千工須求月白但不能制大月建與本命四旺殺耳其餘諸殺命殺遇之皆伏故曆日重之深得古聖古仙之餘旨也今通書于紫白則曰能殺

人于五星四餘則置之不論至于天符經所論五星  
四餘則云順軌皆吉而不云火木土三星之不吉而  
計都火羅之逆天而行尤極凶也乃又創爲玉皇紫  
微鑾駕等說統而論之有五六個玉皇終年各守一  
字絕不移易是六朝之分王五代之各帝也有是理  
乎且擇日而取日月星辰到山向者一向之光輝  
則發福也豈取日月星辰中之神仙乎彼昏不知悞  
以爲道家所稱太陽帝君太陰帝君銀河星君之說  
遂各捏一玉皇以壓之以致紛紛不一誣罔極矣至

周仙羅星之吉者則天皇地皇黃羅紫壇是玉皇閭

王羅段檀香皆屬天星乖謬何如

出黃公書亦不見併存備考

曆日重千維四大吉特乃古法也通書只用時支何  
謂修造還有猪頭三丘四墓等殺尤爲不通

受死日通書皆云忌婚娶但斬一雞則吉總之受死  
無影○正月戌二月辰三月亥亦何凶之有而遂死  
乎衛開府陞少司徒以受死日起身之任未三年而  
轉冢宰何嘗受死官曆載此日療病成婚可知不久  
新增者官曆忌致死日與年致死爻退同寅午戌月

屬火忌酉日亥卯未月屬木忌午日申子辰月屬水  
忌卯日巳酉丑月屬金忌子日卽三合死地也甚有  
理亦主退財不能殺人

離窠日不通禽獸方有窠以人比畜乃戲罵也而信  
之是甘爲禽獸也

滅門日絕烟火日皆近時新增者削之可也人家遇  
大凶地又犯大凶殺如三殺歲破陰符大小月建等  
殺亦不至全家絕滅況一日之凶所關幾何而有此  
乎總之以此駭人耳

戊寅巳卯人民合極宜嫁娶今以爲紅沙日者何哄人也

青黃赤白黑五帝生死日大謬夫五帝者五行之主宰與天地相終始無生無死若六十日內某日生六十日內某日死卽短命人不如是

土公生死目不通癸未乙未土公葬日葬在何地方旣死矣葬矣又有土公是返魂也可笑

庚寅日門大夫死門大夫姓甚名誰何方人氏而知其庚寅日死乎門諸侯又何日死乎大可笑

通書云某日千佛下界某日世尊下界宜作福還願  
世尊非佛乎可笑

又云某日土神在中宮此日宜謝土夫土神者一居  
之土地神也人尚有百十里赴宴者一居幾閭而神  
不能赴是土塊非土神也

神在日不通神在何處既不在又何往乎

出黃公書有  
見併存備考

瘟疫大災也人家有百十年不遭瘟疫者乃云某日係  
天瘟日又云某日瘟星出瘟星入何瘟疫不斷絕也  
可恨勿信五月甲午日通書所謂天瘟日也楊公相

之修造者三可知天瘟之僞斷不必信

俗云嫁娶忌歸忌日不通人家嫁娶初入新宅皆新來也非歸舊所也安有歸忌

寶義和日吉制日中平伐日凶古仙最忌伐日今人不忌何也其法只重日干而日支不宜犯日干最有理

落枕空入地空掃地空皆不通勿信寶鑑云詳查古曆並無此空亡乃近時捏造者

通書云日支干與歲合不吉余查古課日與年合者

多以支干合言之如乙巳甲申庚申丁丑非乙與庚  
合申與巳合乎如壬寅壬寅壬午壬寅非寅午三合  
乎三合尤多又如楊公會公于壬午主命用四丁未  
大吉取丁壬合午未合今人以爲晦氣殺大謬又如  
壬申修主用甲辰年戊辰月壬子日甲辰時與命三  
合也

天喜日春戌夏丑秋辰冬未如正月戌二月亥三月  
子四月丑順輪十二月乃日支與月支三合故曰天  
喜係極吉日凡造葬入宅嫁娶安床出行求官皆宜

用之今乃以三合爲死別何哄人也

天德正丁二坤三壬四辛五乾六甲七癸八艮九丙  
十乙十一巽十二庚皆方也日亦借之以爲天德日  
故二月五月八月十一月皆無天德日官曆可證今  
通書以二月坤爲申然則正月丁亦可扯作未矣不  
通

九良星甚謬○貪巨武輔弼五吉星也惟廉破祿文  
四星爲凶何以俱作禍不作福乎一不通也天象莫  
大於日然照東則不能照西獨九良星一年旣占一

字向矣又占門路井竈有此理乎二不通也三曆各載一樣京東又一樣今又有此九良煞共五樣總之原無此星故各造一說三不通也云係紫光夫人所生豈仙姬而有生產且不生人而生星乎四不通也元人已行削除近時又復編入五不通也戲云修洛陽橋犯之一墩再修不起予問晉江諸公並無此事天星所照非二十四山則九宮八卦也萬無占戶竈之理惟胎神不能走方位故占本家戶竈

槌鑼殺○歌曰活祿活馬稱人心怕遇槌鑼便殺人

甲巳猿猴俱莫犯丁壬羊鼠定相尋丙申辛上休造  
作乙庚辰上莫修營戊癸之年便忌馬犯之大殺損  
人丁屢試不驗

丘公暗刀殺真兒戲也每年有一月占奴婢奴婢亦  
須修整乎占大樓誰爲大造樓乎不通

明皇殺○歌云寅午戌甲乙當亥卯未壬癸藏申子  
辰庚辛上巳酉丑丙丁方註云雙出棺材盜賊予屢  
見之驗如楚鄧氏用丁亥年七月作子癸山亦  
犯之後無事

六十年大小利定局

甲子年

小利酉乾

乙丑年

大利丙壬亥  
小利癸午戌

丙寅年

大利甲庚癸  
小利未戌酉

丁卯年

大利乾坤丑癸巳  
小利辰

戊辰年

大利艮  
小利乙酉

己巳年

大利丑  
小利子午丁癸未

庚午年

大利艮寅卯辰  
小利未申乙

辛未年

大利巳  
小利卯乾亥

壬申年

大利辛  
小利乙坤艮丑

癸酉年

大利壬丙癸  
小利艮子午

甲戌年

大利甲庚乙坤  
小利卯申

乙亥年

大利壬  
小利艮丙午

丙子年

大利丑寅甲庚  
小利戌

丁丑年

大利丙  
小利壬丁酉乾亥

戊寅年

大利癸  
小利艮辰戌

己卯年

小利丑辰巳

庚辰年

大利庚午  
小利甲壬辰乙

辛巳年

大利未丁  
小利丑巳乾艮

壬午年

大利艮申  
小利卯癸未坤

癸未年

大利壬丙巳乾  
小利艮

甲申年

大利甲辰酉  
小利庚戌卯乾

乙酉年

大利丙壬癸  
小利午子巳

丙戌年

大利卯  
小利酉

丁亥年

大利癸丑  
小利丁子癸坤

戊子年

大利丑癸申戊  
小利乾甲子

己丑年

大利癸  
小利丑午子

庚寅年

大利戌辰  
小利未坤辛

辛卯年

大利巳亥  
小利丑艮

壬辰年

大利艮  
小利乙

癸巳年

大利丁午  
小利壬丙坤乾

甲午年

大利卯  
小利乙乾

乙未年

大利壬丙  
小利辰癸未坤

丙申年

大利甲酉戌乾  
小利癸艮

丁酉年

大利未癸  
小利亥巳

癸亥年

八卷之十二

戊戌年

大利艮乙

己亥年

大利癸丑  
小利子乾辰未亥

庚子年

大利艮寅庚戌  
小利辛

辛丑年

大利乾亥丁

壬寅年

大利乙坤未  
小利艮卯巽辛

癸卯年

大利壬丙丑艮巽  
小利坤巳辰

甲辰年

大利寅甲坤庚  
小利丑乙辰

乙巳年

大利午  
小利艮壬

丙午年

大利甲卯巽  
小利未庚

丁未年

大利巳丙  
小利乾壬

戊申年

大利艮甲辰巽  
小利酉戌乾

己酉年

大利巳未  
小利丁亥午

庚戌年

大利乙坤庚  
小利申未戌

辛亥年

大利丑乾  
小利艮亥

壬子年

大利丑申辰  
小利辛巽

癸丑年

大利丙丁乾  
小利午亥

甲寅年

大利甲坤  
小利寅庚未乾

乙卯年

大利壬  
小利巽

丙辰年 大利乾兌

丁巳年 大利坤丑丁未坤乾  
小利癸

戊午年 大利艮甲寅申  
小利寅乙辰

己未年 大利癸巳  
小利子卯辰

庚申年 大利戌艮  
小利辰坤

辛酉年 大利巳未戌  
小利午亥

壬戌年 大利艮乙  
小利卯

癸亥年 大利壬子坤  
小利癸丑辰巽酉

納音甲子

甲子乙丑海中金丙寅丁卯爐中火戊辰巳巳大林

木庚午辛未路傍土壬申癸酉劍鋒金甲戌乙亥山

頭火丙子丁丑澗下水戊寅巳卯城頭土庚辰辛巳

白蠟金壬午癸未楊柳木甲申乙酉泉中水丙戌丁

亥屋上土戊子巳丑霹靂火庚寅辛卯松柏木壬辰  
癸巳長流水甲午乙未沙中金丙申丁酉山下火戊  
戌巳亥平地木庚子辛丑壁上土壬寅癸卯金箔金  
甲辰乙巳覆燈火丙午丁未天河水戊申巳酉大驛  
土庚戌辛亥釵釧金壬子癸丑桑柘木甲寅乙卯大  
溪水丙辰丁巳沙中土戊午巳未天上火庚申辛酉  
石榴木壬戌癸亥大海水

後跋

余蚤歲讀元經瓊璣三易諸  
秘書夙夜寤心欲挾輿而苦  
不能入乃遊南北訪高賢而  
緣慳難於一遇幸同里銓部  
汪公深探陰陽家諸秘得異

人授時藝吾輩頗有解機已  
丑初夏余過公玉衡館瞻星  
源江先生諱之棟字孟隆者  
見其操術不凡相與印証一  
問一答靈興瓶瀉針芥相授  
遂以師禮事之師亦以余可

傳悉出蕉中秘以授指點凡  
帛替掌訣星辰文象吉凶之  
趨避恍然得其要領不啻津  
津味之而拳之服之也蓋晝  
夜眠食無少輟矣一日汪公  
同江師叩余曰近有得否余

隨舉其會心者以應喟然歎  
曰進乎技矣居無何會祿勲  
吳公學究天人識符玄秘挈  
余宦遊閩楚秣陵間案牘之  
暇朝夕系論古僊輿旨余因  
以前所得和盤托出公輒為

博綜群要詮次成編不逾時  
而了然于心復了然于手分  
其類七訂其卷十二總其帙  
而名之曰造命宗鏡可前民  
用可息邪說可開後學因汪  
太學之請遂付之梓以公海

內其中間採及通書所載者  
亦以日用所習不可盡廢故  
也大抵此編邇乎元本通乎  
運氣妙乎作用精乎奇壬巧  
參造化可奪神功是則公旋  
乾轉坤之深心於剋擇一班

見之矣余小子願挾簪以從  
無負公知遇云

環川後學胡德輝謹跋